

**Cyncoed Consulting Rooms  
277 a 350 Heol Cyncoed  
Caerdydd  
CF23 6PA**

**Arolygiad 2010-2011**

## **Arolygiaeth Gofal Iechyd Cymru**

Tŷ Bevan  
Parc Busnes Caerffili  
Ffordd Fan  
CAERFFILI  
CF83 3ED

Ffôn: 029 2092 8850  
Ffacs: 029 2092 8877

**[www.hiw.org.uk](http://www.hiw.org.uk)**



ISBN 978 0 7504 6354 6  
© Hawlfraint y Goron 2011  
WG12782

Dyddiad yr Arolygiad:	Rheolwr Arolygu ac Adolygwyr:
28 Mawrth 2011	Ms P Price

## Cyflwyniad

Mae'n rhaid i ddarparwyr gofal iechyd annibynnol yng Nghymru fod wedi eu cofrestru ag Arolygiaeth Gofal Iechyd Cymru (AGIC). AGIC sy'n rheoleiddio gwasanaethau gofal iechyd yng Nghymru ar ran Gweinidogion Cymru sydd, yn rhinwedd Deddf Llywodraeth Cymru 2006, wedi'u dynodi fel yr awdurdod cofrestru.

I gofrestru, mae'n rhaid iddynt ddangos cydymffurfriad â Deddf Safonau Gofal 2000 a'r rheoliadau cysylltiedig. Mae AGIC yn profi cydymffurfriad darparwyr trwy asesu pob asiantaeth a sefydliad cofrestredig yn erbyn cyfres o '*Safonau Gofynnol Cenedlaethol*,' a gyhoeddwyd gan Lywodraeth Cynulliad Cymru ac sy'n nodi'r safonau gofynnol ar gyfer gwahanol fathau o wasanaethau iechyd annibynnol. Gellir gweld mwy o wybodaeth ynghlŷn â'r safonau a'r rheoliadau ar ein gwefan:

**[www.hiw.org.uk](http://www.hiw.org.uk)**

Mae'n rhaid i ddarllenwyr fod yn ymwybodol mai diben yr adroddiad hwn yw adlewyrchu canfyddiadau'r digwyddiad arolygu. Ni ddylai darllenwyr ddod i'r casgliad bod amgylchiadau'r gwasanaeth yr un fath bob amser.

## Cefndir a'r Prif Ganfyddiadau

Cofrestrwyd Cyncoed Consulting Rooms ar 2 Rhagfyr 2005 yn ysbyty annibynnol cofrestredig i ddarparu gwasanaethau ymgynghori a gwasanaethau i gleifion allanol. Roedd hyn yn cynnwys cyfle i weld ymgynghorwyr a therapyddion mewn amgylchedd cyfforddus, mewn dau wahanol leoliad a oedd wedi'u moderneiddio i fodloni gofynion y gwasanaeth. Roedd cyfleusterau parcio ar gael. Lleolir mwyafrif yr ystafelloedd ymgynghori/triniaeth ar y llawr gwaelod, ond roedd pedair ystafell ymgynghori/triniaeth ar gael ar lawr cyntaf 350 Heol Cyncoed. Roedd mynediad addas i bobl anabl ar gael yn y ddau leoliad.

Yn ystod yr ymweliad arolygu, canolbwyntiwyd ar ddadansoddi amrywiaeth o ddogfennau, trafod gyda'r rheolwr cofrestredig a mynd o amgylch y safleoedd.

O ran prif ganfyddiadau'r arolygiad, roedd y darparwr cofrestredig wedi sefydlu'r canlynol:

- Datganiad o ddiben a chanllaw i gleifion. Roedd cylchlythyr ar gael hefyd, yn trafod aelodau staff newydd a darpariaeth y practis.
- Roedd copi o'r weithdrefn gwyno yn cael ei arddangos yn yr ystafell aros.
- Roedd pob rhan o'r safle yr edrychwyd arni yn lân a thaclus. Fodd bynnag, er bod arwydd ar gael yn rhybuddio bod y dŵr yn boeth yn y basn golchi dwylo yn y tai bach, cynghorwyd y dylid gosod falf cymysgu thermostatig ar y basn golchi dwylo yn nhŷ bach y cleifion.
- Amrywiaeth o bolisiâu a gweithdrefnau â'r dyddiad y'u lluniwyd wedi ei nodi arnynt, yn ogystal â'r dyddiad y bwriedir eu hadolygu. Roedd y staff i gyd yn cael gwybod am unrhyw newidiadau a/neu adolygiadau i'r polisiâu a'r gweithdrefnau. Roedd y polisiâu a'r gweithdrefnau ar gael ar ffurf electronig ar system fewnrwyd yr ysbyty. Mae prif gopiâu papur ar gael hefyd, ond ni lwyddwyd i ddod o hyd iddynt ar ddiwrnod yr ymweliad. Gofynnwyd i'r rheolwr cofrestredig roi gwybod i Arolygiaeth Gofal Iechyd Cymru (AGIC) ar ôl dod o hyd i ffeil y copiâu papur. Cynghorir y dylid sicrhau bod ffeil yn cynnwys copiâu papur o'r polisiâu a'r gweithdrefnau bob amser ar gael i gyfeirio ati, ac fel copi wrth gefn rhag ofn i'r system electronig fethu.
- Cofnodion cleifion a oedd yn cynnwys gwybodaeth briodol.
- Roedd holiaduron wedi eu llenwi gan gleifion. Roedd y canlyniadau ar gael, a gwelwyd bod lefelau bodlonrwydd ar y gwasanaeth a ddarperir yn uchel.
- Roedd polisiâu a gweithdrefnau ar Amddiffyn Plant ac Oedolion Agored i Niwed ar gael. Roedd hyfforddiant wedi cael ei drefnu ar gyfer aelodau'r staff, ond bu raid ei ohirio oherwydd amgylchiadau annisgwyl. Trefnwyd dyddiad newydd, ac mae angen cynnal yr hyfforddiant o fewn y tri mis nesaf.

Fodd bynnag, nodwyd y canlynol hefyd:

- Nid oedd tystlythyrau ar gael yn ffeiliau personél un aelod o'r staff.
- Nid oedd gwerthusiadau ar gael ar gyfer nifer o ymgynghorwyr yn y ffeiliau staff yr edrychwyd arnynt, a dylid unioni'r sefyllfa hon.
- Roedd ymarferion tân wedi'u cynnal ar gyfer y staff. Fodd bynnag, nid oedd pob aelod o'r staff wedi dilyn hyfforddiant diweddar ar atal tân.
- Nid oedd gwybodaeth ddiweddar ar gael am waith cynnal a chadw na phrofi ar un darn o offer yn un o'r ystafelloedd ymgynghori.
- Nid oedd dyddiad a llofnod ar nifer o'r biniau eitemau miniog a ddefnyddir i gael gwared ar nodwyddau. Roedd hyn wedi'i unioni erbyn diwedd yr ymweliad.

Trafodwyd y materion uchod â'r rheolwr ar ddiwrnod yr ymweliad, ac mae wedi cadarnhau y cymerir camau i ymdrin â hwy.

Hoffai'r rheolwr arolygu ddiolch i'r rheolwr a'r staff am eu hamser a'u cydweithrediad yn ystod yr arolygiad lle rhoddwyd rhybudd.

## **Llwyddiannau a Chydymffurfiad**

Roedd dau ofyniad heb eu bodloni ers 2010-2011:

- Nid oedd yr holl ddogfennau a restrir yn Rheoliad 18 Atodlen 2 ar gael yn y ffeiliau personél. Bydd y wybodaeth i gyd ar gael erbyn 25 Ebrill 2011.
- Nid oedd holl staff yr ysbyty wedi dilyn hyfforddiant ar ddiogelwch rhag tân. Mae dyddiad wedi'i drefnu ar gyfer yr hyfforddiant erbyn hyn.

## Mathau o Gofrestriad

Caniateir y cofrestriad hwn yn unol â'r math o wasanaeth a ddarperir. Mae'r adroddiad hwn ar gyfer y math canlynol o wasanaeth:

<b>Disgrifiad</b>
<b>Ysbyty Annibynnol</b>
<b>Ysbyty annibynnol sy'n darparu gwasanaeth rhestredig:</b> <ul style="list-style-type: none"><li>• <b>Triniaeth feddygol sy'n defnyddio anesthesia lleol neu lonyddu trwy'r geg yn unig.</b></li></ul>

## Amodau'r Cofrestriad

Mae'r cofrestriad hwn yn ddarostyngedig i'r amodau canlynol. Archwilir pob amod ar gyfer cydymffurfiad. Disgrifir y dyfarniad fel bod yn Cydymffurfio, Ddim yn Cydymffurfio neu Sicrwydd Annigonol.

Rhif yr Amod	Amod y Cofrestriad	Dyfarniad
1.	Rhaid i'r Rheolwr Cofrestredig gwblhau cwrs rheoli wedi'i achredu.	Amherthnasol
2.	Ni chaniateir darparu gwelyau dros nos.	Cydymffurfio
3.	Ni chaniateir rhoi anesthesia cyffredinol.	Cydymffurfio
4.	Ni chaniateir darparu triniaethau ymyrrol.	Cydymffurfio
5.	Rhaid ymgynghori ag AGIC cyn dechrau darparu gwasanaethau/triniaethau newydd.	Cydymffurfio

## Asesiadau

Mae Arolygiaeth Gofal Iechyd Cymru yn cynnal archwiliadau o safleoedd er mwyn asesu safonau. Pe byddem yn canfod meysydd lle nad yw'r darparwr yn bodloni'r safonau gofynnol neu lle nad yw'n cydymffurfio â'r rheoliadau, neu nad oes gennym ddigon o dystiolaeth i ddangos y cyflawnir y lefel ofynnol o berfformiad, rhoddir gwybod i'r unigolyn cofrestredig am hyn drwy gyfrwng yr adroddiad arolygu hwn. Gall fod achlysuron hefyd pan ganfyddir methiannau mwy difrifol neu sydd angen sylw di-oed, ac efallai bod yr unigolyn cofrestredig hefyd wedi'i hysbysu ynglŷn â'r

canfyddiadau a'r camau sydd i'w cymryd trwy lythyr, ond bydd y materion hynny hefyd yn cael eu cynnwys yn yr adroddiad arolygu hwn. Mae Arolygiaeth Gofal Iechyd Cymru yn penderfynu ar yr angen i arolygu'r sefydliad a pha mor aml y dylid gwneud hynny ar sail y wybodaeth a dderbyniwyd gan y darparwr ac amdano/amdani ers cynnal yr arolygiad diwethaf. Cyn cynnal arolygiad, bydd Arolygiaeth Gofal Iechyd Cymru yn ystyried y wybodaeth sydd ganddi am unigolyn cofrestredig. Gallai hyn gynnwys: hunanasesiad yn erbyn y safonau, canfyddiadau'r adroddiad arolygu blaenorol ac unrhyw gynllun gweithredu a gyflwynwyd, adroddiadau ynglŷn ag ymweliadau'r darparwr, y Datganiad o Ddiben ar gyfer y sefydliad neu'r asiantaeth, ac unrhyw gwynion neu wybodaeth sy'n peri pryder am yr unigolyn cofrestredig a'r gwasanaethau.

Wrth asesu pob safon, yr ydym yn defnyddio pedwar datganiad i nodi'r canlyniad:

Safon wedi ei bodloni	Dim diffygion: yn cyflawni'r lefelau gofynnol o berfformiad.
Safon bron wedi ei bodloni	Mân ddiffygion: dim diffygion mawr a'r lefelau gofynnol o berfformiad yn ymddangos yn gyraeddadwy heb orfod cymryd camau ychwanegol o bwys.
Safon heb ei bodloni	Diffygion difrifol: angen cymryd camau sylweddol i gyflawni'r lefelau gofynnol o berfformiad.
Safon heb ei harolygu	Mae hyn naill ai oherwydd nad oedd y safon yn berthnasol, neu oherwydd na nodwyd unrhyw risg yn dilyn asesiad o'r wybodaeth a dderbyniwyd gan y sefydliad neu'r asiantaeth neu am y sefydliad neu'r asiantaeth, ac felly penderfynwyd nad oedd angen archwilio'r safon ymhellach yn ystod yr arolygiad hwn.

## Asesiadau a Gofynion

Mae'r asesiadau wedi eu rhoi mewn grwpiau dan y penawdau canlynol, a cheir cyfeirnod ar gyfer pob safon:

- Safonau Craidd
- Safonau sy'n Benodol i'r Gwasanaeth

Talfyriadau ar gyfer y Safonau:

C = Safonau craidd

A = Safonau aciwt

MH = Safonau iechyd meddwl

H = Safonau hosbis

MC = Safonau mamolaeth

TP = Safonau terfynu beichiogrwydd

P = Safonau technegau a thechnoleg rhagnodedig

PD = Safonau meddygon preifat

Os nad yw'r unigolyn cofrestredig wedi llwyr fodloni unrhyw un o'r safonau isod, yr ydym wedi nodi ein canfyddiadau a'r camau y mae'n rhaid i'r unigolyn cofrestredig eu cymryd er mwyn cydymffurfio â'r rheoliad penodol ar ddiwedd yr adroddiad. Gall methu â chydymffurfio â rheoliad fod yn drosedd. Mae'n rhaid i ddarllenwyr fod yn ymwybodol mai diben yr adroddiad yw adlewyrchu canfyddiadau'r arolygydd yn ystod y digwyddiad arolygu penodol. Ni ddylai darllenwyr ddod i'r casgliad bod amgylchiadau'r gwasanaeth yr un fath bob amser. Weithiau bydd gwasanaethau'n gwella ac weithiau byddant yn dirywio.



## Safonau Craidd

Rhif	Testun y Safon	Asesiad
C1	Mae cleifion yn derbyn gwybodaeth eglur a chywir am eu triniaeth.	Safon wedi ei bodloni
C2	Mae'r driniaeth a'r gofal a ddarperir yn rhoi'r claf yn gyntaf.	Safon wedi ei bodloni
C3	Mae'r triniaethau a roddir i gleifion yn unol â chanllawiau clinigol perthnasol.	Safon wedi ei bodloni
C4	Sicrheir cleifion bod ansawdd y driniaeth a'r gofal yn cael ei fonitro.	Safon wedi ei bodloni
C5	Ymdrinnir â gofal terfynol a marwolaeth cleifion yn briodol ac yn sensitif.	Safon heb ei harolygu
C6	Mae'r sefydliad yn cael barn cleifion ac yn defnyddio'r wybodaeth wrth ddarparu triniaeth a gofal, ac ar gyfer darpar gleifion.	Safon wedi ei bodloni
C7	Mae polisiâu a gweithdrefnau priodol wedi eu sefydlu er mwyn cynorthwyo i sicrhau ansawdd y driniaeth a'r gwasanaethau.	Safon wedi ei bodloni
C8	Sicrheir cleifion bod y sefydliad neu'r asiantaeth yn cael ei redeg/rhedeg gan sefydliad/unigolyn addas a bod llinell eglur o atebolrwydd ar gyfer darparu'r gwasanaethau.	Safon wedi ei bodloni
C9	Mae cleifion yn derbyn gofal gan staff sydd wedi eu recriwtio a'u hyfforddi'n briodol ac sy'n meddu ar gymwysterau priodol.	Safon bron wedi ei bodloni
C10	Mae cleifion yn derbyn gofal gan nyrsys sydd wedi eu cofrestru'n briodol sydd â'r sgiliau, y wybodaeth a'r arbenigedd perthnasol i ddarparu gofal i gleifion yn ddiogel ac yn effeithiol.	Safon wedi ei bodloni
C11	Mae cleifion yn derbyn triniaeth gan ymarferwyr sydd wedi eu recriwtio a'u hyfforddi'n briodol ac sy'n meddu ar gymwysterau priodol.	Safon wedi ei bodloni
C12	Mae cleifion yn derbyn triniaeth gan ymarferwyr gofal iechyd proffesiynol sy'n cydymffurfio â'u codau ymarfer proffesiynol.	Safon wedi ei bodloni
C13	Nid yw'r cleifion na phersonél wedi eu heintio â firysau a gludir yn y gwaed.	Safon wedi ei bodloni
C14	Caiff plant sy'n derbyn triniaeth eu hamddiffyn yn effeithiol rhag cael eu cam-drin.	Safon bron wedi ei bodloni
C15	Caiff oedolion sy'n derbyn gofal eu hamddiffyn yn effeithiol rhag cael eu cam-drin.	Safon bron wedi ei bodloni
C16	Mae proses gwyno effeithiol ar gael i gleifion.	Safon wedi ei bodloni
C17	Mae cleifion yn derbyn gwybodaeth briodol ynglŷn â sut i wneud cwyn.	Safon wedi ei bodloni

Rhif	Testun y Safon	Asesiad
C18	Mae'n ddyletswydd ar staff a phersonél i fynegi pryderon ynglŷn ag arfer amheus neu wael.	Safon wedi ei bodloni
C19	Mae cleifion yn derbyn triniaeth mewn safle sy'n ddiogel ac yn briodol ar gyfer y driniaeth honno. Darperir amgylchedd addas i blant a dderbynnir neu sy'n mynychu'r safle i gael triniaeth.	Safon wedi ei bodloni
C20	Mae cleifion yn derbyn triniaeth gan ddefnyddio offer a chyflenwadau sy'n ddiogel ac mewn cyflwr da.	Safon wedi ei bodloni
C21	Mae cleifion yn derbyn gwasanaethau arlwyio priodol.	Safon heb ei harolygu
C22	Sicrheir cleifion, staff ac unrhyw un sy'n dod i ymweld â'r safle cofrestredig y caiff yr holl risgiau sy'n gysylltiedig â'r sefydliad, y triniaethau a'r gwasanaethau eu nodi, eu hasesu a'u rheoli'n briodol.	Safon wedi ei bodloni
C23	Mae'r camau iechyd a diogelwch priodol wedi eu sefydlu.	Safon wedi ei bodloni
C24	Mae camau wedi eu sefydlu i sicrhau bod meddyginiaethau'n cael eu rheoli a'u trin yn ddiogel.	Safon wedi ei bodloni
C25	Caiff meddyginiaethau, rhwymau a nwyon meddygol eu trin mewn modd saff a diogel.	Safon wedi ei bodloni
C26	Caiff cyffuriau rheoledig eu cadw, eu rhoi a'u dinistrio yn briodol.	Safon heb ei harolygu
C27	Mae'r risg i gleifion, staff ac ymwelwyr o ddal haint a gafwyd yn yr ysbyty yn cael ei lleihau cymaint â phosibl.	Safon wedi ei bodloni
C28	Ni roddir triniaeth i gleifion drwy ddefnyddio dyfeisiau meddygol halogedig	Safon wedi ei bodloni
C29	Caiff cleifion eu dadebru'n briodol ac yn effeithiol.	Safon wedi ei bodloni
C30	Mae contractau'n sicrhau bod cleifion yn derbyn nwyddau a gwasanaethau o ansawdd priodol.	Safon wedi ei bodloni
C31	Caiff cofnodion eu creu, eu cynnal a'u storio i safonau sy'n bodloni cydymffurfiad cyfreithiol a rheoliadol ac argymhellion arfer proffesiynol.	Safon wedi ei bodloni
C32	Sicrheir cleifion y cwblheir cofnodion iechyd yn briodol.	Safon wedi ei bodloni
C33	Rhoddir sicrwydd i gleifion y rheolir yr holl wybodaeth o fewn y corff rheoledig er mwyn sicrhau cyfrinachedd cleifion.	Safon wedi ei bodloni
C34	Caiff unrhyw waith ymchwil a gynhelir yn y sefydliad / asiantaeth ei gynnal gyda chaniatâd priodol y cleifion perthnasol, yn unol â chanllawiau cyhoeddiedig ynglŷn â chynnal prosiectau ymchwil.	Safon heb ei harolygu

## Safonau sy'n Benodol i'r Gwasanaeth – mae'r rhain yn benodol i'r math o sefydliad a archwiliwyd

Rhif	Meddygon Preifat	Asesiad
PD1	Trefniadau ar gyfer darparu triniaeth.	Safon wedi ei bodloni
PD2	Rheoli cleifion.	Safon wedi ei bodloni
PD3	Mân lawdriniaeth.	Safon wedi ei bodloni
PD4	Bydwreigiaeth a gofal cynenedigol.	Safon heb ei harolygu
PD5	Rhagnodi.	Safon heb ei harolygu
PD6	Gwasanaethau patholeg.	Safon wedi ei bodloni
PD7	Cysylltu ag ymarferwyr a gwasanaethau y tu allan i oriau arferol.	Safon heb ei harolygu
PD8	Gwybodaeth i feddygon teulu.	Safon heb ei harolygu

### Atodlenni Gwybodaeth

Mae'r atodlenni gwybodaeth yn nodi manylion y wybodaeth y mae'n rhaid i'r unigolyn cofrestredig ei darparu, ei chadw neu ei chofnodi mewn cofnodion penodol.

Atodlen	Manylion	Asesiad
1	Gwybodaeth i'w chynnwys yn y datganiad o ddiben.	Safon wedi ei bodloni
2	Gwybodaeth ofynnol yn ymwneud ag unigolion sy'n dymuno rhedeg, rheoli neu weithio mewn sefydliad.	Safon bron wedi ei bodloni
3 (Rhan I)	Y cyfnod gofynnol ar gyfer cadw cofnodion meddygol.	Safon wedi ei bodloni
3 (Rhan II)	Cofnodion y mae'n rhaid eu cadw i'w harchwilio.	Safon wedi ei bodloni
4 (Rhan I)	Manylion y mae'n rhaid eu cofnodi ynglŷn â chleifion sy'n derbyn gwasanaethau obstetreg.	Safon heb ei harolygu
4 (Rhan II)	Manylion y mae'n rhaid eu cofnodi am blentyn a anwyd mewn ysbyty annibynnol.	Safon heb ei harolygu

## Gofynion

Mae'r gofynion isod yn mynd i'r afael ag unrhyw ddiffyg cydymffurfio â Rheoliadau Gofal Iechyd Preifat a Gwirfoddol (Cymru) 2002 a ganfuwyd o ganlyniad i asesu'r safonau a nodir yn y golofn ar y chwith, a gwybodaeth arall a dderbyniwyd gan y darparwr ac amdano/amdani. Cyfrifoldeb yr '*unigolyn cofrestredig*' yw'r gofynion, a chaiff yr unigolyn hwn fod naill ai'r darparwr cofrestredig neu reolwr cofrestredig y sefydliad neu'r asiantaeth, yn ôl y ddeddfwriaeth berthnasol. Bydd Arolygiaeth Gofal Iechyd Cymru yn gofyn i'r unigolyn cofrestredig ddarparu '*cynllun gweithredu*' yn cadarnhau sut y mae'n bwriadu cyflawni'r camau gofynnol, a bydd yr Arolygiaeth, os oes angen, yn cymryd camau gorfodi er mwyn sicrhau cydymffurfiaid â'r rheoliad a nodwyd.

Safon	Rheoliad	Gofyniad	Amserlen
C11	Rheoliad 18 Atodlen 2	<p><b>Canfyddiadau</b></p> <p>Nodwyd nad oedd tystlythyrau ar gael yn un o'r ffeiliau personél. Nid oedd gwerthusiadau diweddar ar gael ar gyfer rhai o'r ymgynghorwyr a dylid unioni'r sefyllfa hon. Gweler yr argymhellion.</p> <p><b>Camau Gofynnol</b></p> <p>Mae'n ofynnol i'r unigolyn cofrestredig gael gafael ar yr holl ddogfennau a restrir yn Rheoliad 18 Atodlen 2 a sicrhau eu bod ar gael.</p>	Ar ôl gwneud hyn, dylid anfon cadarnhad at AGIC erbyn 25 Ebrill 2011 (Cyngorwyd ar ddiwrnod yr ymweliad).
C14 ac C15	Rheoliad 15 (4) ac 17(2)(A)	<p><b>Canfyddiadau</b></p> <p>Nid yw'r staff wedi dilyn hyfforddiant ar Amddiffyn Plant ac Oedolion Agored i Niwed.</p> <p><b>Camau Gofynnol</b></p> <p>Mae'n ofynnol i'r unigolyn cofrestredig sicrhau y trefnir i'r aelodau staff i gyd ddilyn hyfforddiant ar Amddiffyn Plant ac Oedolion Agored i Niwed.</p>	Trefnwyd diwrnod ar gyfer yr hyfforddiant. Ar ôl ei gynnal, rhaid anfon cadarnhad at AGIC erbyn 30 Ebrill 2011 (Cyngorwyd ar ddiwrnod yr ymweliad).

Safon	Rheoliad	Gofyniad	Amserlen
C19	Rheoliad 24 (4)(ch)	<p><b>Canfyddiadau</b></p> <p>Nid yw'r staff wedi dilyn hyfforddiant ar ddiogelwch rhag tân.</p> <p><b>Camau Gofynnol</b></p> <p>Mae'n ofynnol i'r unigolyn cofrestredig sicrhau bod y staff i gyd a, chyn belled ag y bo hynny'n ymarferol, y cleifion a'r ymarferwyr meddygol y caniatawyd breintiau ymarfer iddynt yn ymwybodol o'r weithdrefn i'w dilyn pe digwydd tân.</p>	<p>Bwriedir trefnu dyddiad ar gyfer yr hyfforddiant.</p> <p>Ar ôl gwneud hynny, rhaid anfon cadarnhad at AGIC erbyn 30 Ebrill 2011 (Cynghorwyd ar ddiwrnod yr ymweliad).</p>
C19	Rheoliad 14(5)	<p><b>Canfyddiadau</b></p> <p>Nid oedd dyddiad a llofnod ar nifer o'r biniau eitemau miniog a ddefnyddir ar gyfer cael gwared ar nodwyddau. Roedd hyn wedi'i unioni erbyn diwedd yr ymweliad.</p> <p><b>Camau Gofynnol</b></p> <p>Mae'n rhaid rhoi'r manylion priodol ar labeli'r biniau eitemau miniog wrth ddechrau eu defnyddio.</p>	<p>Cwblhawyd ar ddiwrnod yr ymweliad.</p>
C20	Rheoliad 14(2)(b)	<p><b>Canfyddiadau</b></p> <p>Nid oedd tystysgrif cynnal a chadw neu brofi ar gael ar gyfer un darn o offer.</p> <p><b>Camau Gofynnol</b></p> <p>Mae'n ofynnol i'r unigolyn cofrestredig sicrhau bod yr holl dystysgrifau cynnal a chadw neu brofi ar gael ar gyfer yr offer a ddefnyddir yn y safle.</p>	<p>Mae'n rhaid i dystysgrif cynnal a chadw a phrofi fod ar gael ar gyfer pob darn o offer. Ar ôl gwneud hynny, rhaid anfon cadarnhad at AGIC erbyn 30 Ebrill 2011 (Cynghorwyd ar ddiwrnod yr ymweliad).</p>

## Argymhellion

Gall argymhellion fod yn berthnasol i agweddau ar y safonau neu i ganllawiau cenedlaethol. Fe'u gwneir er mwyn i'r unigolion cofrestredig eu hystyried ond ni chânt eu gorfodi yn gyffredinol.

Safon	Argymhelliad
<b>C7</b>	Cynghorir y dylid sicrhau bod ffeil yn cynnwys copiâu papur o'r polisïau a'r gweithdrefnau ar gael bob amser i gyfeirio ati, ac fel copi wrth gefn rhag ofn i'r system electronig fethu.
<b>C11</b>	Os nad oes gwerthusiadau cyfredol ar gael, cynghorir y dylid sicrhau bod y ffeiliau'n cynnwys ffurflenni wedi'u llofnodi sy'n cyfeirio at unrhyw gyfyngiadau ar ymarfer.
<b>C19</b>	Cynghorir y dylid gosod falf cymysgu thermostatig ar y basn golchi dwylo yn nhŷ bach y cleifion.

Diben bodolaeth Arolygiaeth Gofal Iechyd Cymru yw hybu gwelliant mewn iechyd a gofal iechyd. Mae gennym ddyletswydd statudol i asesu perfformiad sefydliadau gofal iechyd ar gyfer y GIG, a chydgyssylltu adolygiadau gofal iechyd gan eraill. Wrth wneud hyn, ein nod yw lleihau'r baich rheoliadol ar sefydliadau gofal iechyd a chydweddu asesiadau gofal iechyd a ddarperir gan y GIG ag asesiadau'r sector annibynnol (preifat a gwirfoddol).

Ceir atgynhyrchu'r ddogfen hon yn rhad ac am ddim mewn unrhyw fformat neu gyfrwng, ar yr amod nad yw ar gyfer adwerthiant masnachol. Dim ond yn ei gyfanrwydd y ceir atgynhyrchu'r adroddiad hwn. Ni cheir ei atgynhyrchu'n rhannol nac ar ffurf gryno ac ni cheir dyfynnu ohono heb ganiatâd ysgrifenedig Arolygiaeth Gofal Iechyd Cymru. Mae'r caniatâd hwn yn amodol ar atgynhyrchu'r deunydd yn gywir, ac ar yr amod nad yw'n cael ei ddefnyddio mewn modd niweidiol na chyd-destun camarweiniol. Dylid cydnabod mai © 2011 Arolygiaeth Gofal Iechyd Cymru yw'r deunydd, gan nodi teitl y ddogfen. Dylai ceisiadau ar gyfer atgynhyrchu fod yn ysgrifenedig a dylid eu hanfon at: Y Prif Weithredwr, Arolygiaeth Gofal Iechyd Cymru, Tŷ Bevan, Parc Busnes Caerffili, Caerffili CF83 3ED